

四庫全書

集部

欽定四庫全書

集部

清江詩集卷五

五四

詳校官太僕寺少卿<sub>臣</sub>李廷欽

中書<sub>臣</sub>劉源溥覆勘

總校官知縣<sub>臣</sub>楊懋珩

校對官助教<sub>臣</sub>汪學金

謄錄監生<sub>臣</sub>王寶唐

欽定四庫全書

清江詩集卷四

明 貝瓊 撰

七言古詩

夢遊秦望山歌送客歸越中

附考山在海鹽縣南十八里海上始

皇東遊登此望海故名又名秦駐

秦望何崔嵬削如青蓮開下臨七十二湖之浩蕩上接三十六洞之縈迴夢中夜渡浙江水輕如鶴背乘風來欲求軒轅上天處白雲尚鎖燒丹臺徒知有弱水安可

觀蓬萊但聞松聲萬壑兮夾飛湍之喧飈赤日慘淡而  
無色伏殷殷之雄雷踰千盤兮歷百折香爐玉筍左右  
列山中二女問何遲桃花落盡燕支雪金雞三叫失所  
在惟想參差白銀之觀闕龍綃寄別淚三載猶未滅有  
美一人兮佩珊珊昨遊吳門復東還余願從而上下兮  
叫安期於雲間回首隔千里可望不可攀

雪蓬小朶歌送奎方舟還靈鷲

蓬婆雪嶺高崔嵬橫絕青天飛鳥回山中小朶更奇峭

石作蓮花千葉開，巨靈擘山斷山脈。  
一峯夜向東南擲，千秋乾竺空有名。  
萬里峨嵋盡無色，攢青疊翠分西湖。  
洞口白猿猶可呼，咸和之年有慧理。  
卓錫尚愛飛來孤，木杯高僧兩眉雪。  
身如濁水清蓮潔，繡經石上不知年。  
桂子年年落秋月。

遊菩提山值雨宿存思菴

附考在海寧縣東五十三里黃山之東

連山插天危欲崩，木客結構當千層。  
我來看山風雨惡，入山喜見靈泉僧。  
閉門留客共野飯，風回雨絕清無蠅。

酒酣熟寢喚不起夜深花落龕中燈軒轅已恐即韓愈  
許汜未可譏陳登天明童僕催欲去却歎世故來相仍  
重尋曲折恐蹉跌安得遠討閑支藤林開川豁見鳥下  
山寒石峻愁猿騰呼舟獨返草堂路他日重來共駢毚

鳳凰山歌

附考杭州府城南南宋建都嘗環入內苑

大城周迴三百雉紫微閣對吳山起天目西來為鳳凰  
蒼然不過錢唐水玉輦金輿北去賒行人折盡上陽花  
杜鵑夜叫葛洪井燕子春歸蘇小家燕歸不識更新主

王氣淒涼作風雨城南楊柳鬱金黃一束纖腰為誰舞

京口王節婦歌

附考京口屬  
鎮江丹徒縣

大江如帶從天來金山焦山碧崔嵬風吹楊花度江去  
妾心如山不可回憶昔移所天豈獨甘守節兩草方纏  
綿那知中道訣玉琴不奏雙鴛鴦玉簫不吹雙鳳凰紡  
績給朝暮蛾眉忽成霜蠭蛸網素壁燕子歸空梁生乖  
同室處死期同穴藏鬱鬱山頭樹已見參天長白壁須  
惡玷白絲須惡染邊聲亂秋笳萬古悲蔡琰

玉山窟儡歌

附考玉山屬江西廣信府一名玉斗

玉山窟儡天下絕起伏進退皆天機巧如驚猿木杪墜  
輕如快鶻峰尖飛流蘇帳下出新劇河梁古別傳依稀  
黃龍磧裏健兒語李陵臺前漢使歸當筵舞劍不避客  
頓足踏地爭牽衣玉簫金管靜如水西夏東山相是非  
昔聞漢主出大漠七日始脫平城圍當時論功孰第一  
木偶解走單于妃奇兵百萬竟何事將軍賜級增光輝  
龍爭虎戰亦同幻尊中有酒君無違更呼左家雙鳳和



我曲玉斗碎落千珠璣

題子昂松樹障子歌蓋王成之所藏者紙尾云

大德八年正月廿八夜燈下書

吳興筆法兼鍾王不獨醉草過張旭既無河朔少年之  
沓拖又無深山羽人之退縮故人相遇今何夕銀燭吐  
光如月白手寫青松障子歌百金一字無所惜何物小  
兒增嫵媚玉環飛燕皆傾國嗟我平生禿千兔夜寫蠅  
頭愧無益王孫騎鶴去不還日落太湖雲氣赤君家此

本世希有詞翰風流與之敵紛紛真贋那足辨珷玞敢  
廁連城璧勿同玉枕永和書一閱昭陵永相失

題王立本山水圖

我有愛山癖每欲名山去秦溪一日寄新圖歌枕高堂  
觀雲霧何年王宰留真跡青城天彭接太白金堂石室  
猶可識大樹小樹參天直千盤百折分秋豪木客時與  
行人遭一門通天劍閣險三峽漲雪瞿塘高小舟如鳬  
爭入浦嘔啞卧聽雙鳴櫓拾遺近在浣花溪却面龍湫

結茅宇豺狼塞路何由通采芝亦有商山翁安得相從  
向絕境振衣千仞乘天風

甲辰七月十三日書所見

行人漸稀日已沒星墜西南大如月一道餘光夜不收  
青天萬丈金蛇掣

題趙仲穆畫馬

吾聞冀北之馬如雲照川谷八尺飛龍在天育灤河遠  
幸翠華遲柳林大獵金鞍簇是時四海為一家東踰日

本西流沙拂郎近獻兩驕驥不數郭家獅子花公子前身豈曹霸一馬真輕百金價黃金臺上倦為客白髮江南隨意畫駢駟駟駟各不同飲泉齧草落筆工君不見龍庭苜蓿與天遠何人更收青海驄

送王好問赴春宮

君文空桑協宮徵我文瓦器不悅耳早隨舉子踏槐花曲江走馬秋風裏院門魚鑰晨未開白袍鵲立三千士風簷落筆誇先成食葉老蠶春乍起樗蒲三叫不作盧

白首讀書猶未已兩河草動持干戈奎星無光作者死  
五門下詔蒐遺材四月文場酣戰螳先生有志復先登  
朱鳳一鳴瘖衆喙卞和誑楚空遭刖曹劇刼齊方雪耻  
軟裘快馬入居庸得意看花麗春市上林賦就氣凌雲  
我亦明年獻天子

送浙省都事曹德輔運糧北上

屯田未開歲未熟白粲一金纔一斛將軍初下山東城  
使者復轉江南粟颶風五月西南回黃龍朱雀一時開

雷霆夜槌海若死雲霧晝合天妃來黑洋北去五千里  
直沽近接金河水內廷傳勅賜宮壺侍臣出報龍顏喜

送文從周入京師

文郎氣如虹北上何匆匆重經九折坂復覽百步洪日  
月回地底山河極雲中有書一萬言欲獻明光宮蚩尤  
觸山折天柱百川亂流赤子苦龍驤未見下益州虎旅  
猶聞駐靈武草白風騷騷跋涉無乃勞驛驢識駿骨驚  
鷺非凡毛臨歧更酌酒飛雪落征袍何以致繾綣錦帶

昆吾刀

天冠法師鄧均谷禱雨歌

至正辛丑秋七月官河無舟死魚鼈錢唐城中十萬室  
鑿井深通海鰭穴海底九烏朝並出流金鑠石氣愈烈  
我無快刀斫旱魃構孽為妖降吳越老巫歌舞帝不悅  
真宰之罪何當雪天冠法師與天通丹書鐵券呼龍公  
石壇晝晦羣神降金支翠旗來半空舉杯擲地霹靂從  
澍雨一日聲如硤三田白水未芄芄兒童滿道歌年豐

百金不顧歸空同師豈瑣瑣貪天功笑汝蜥蜴能為龍

張靜婉採蓮曲

妾長平康里能舞復能歌髻斜梳墜馬眉淺約彎蛾陌  
上遊人顧門前俠客過塗黃初拜月拾翠欲凌波已知  
一身重不受千金喚十五事秋娘十六歸羊侶願妾比  
雙蓮為君朝暮鮮君能重妾綢繆意別起高樓大道邊  
春乘油壁香車出夜入流蘇甲帳眠高樓下俯平湖濶  
照妾濃妝并淡抹五月平湖水正深盪舟相逐起雙禽



野中古墓何累累子孫已絕旁人悲送車百兩喧鼓吹  
却憶出祖東門時墓前青青草沒墓下縱橫狐兔穴  
昔年已見野人耕今年復見鄰人發千年髑髏出黃土  
翁仲無言泣寒雨何時故物總成灰獨有玉釵留半股

田家行

田家八月紅稻熟田頭黃雀飛且啄去年出走不得收  
今年父子田舍宿大婦小婦長裁衫夜起剪桑飼五蠶  
不言畫眉無寶鏡不恨梳頭無寶簪稻登場蠶在箔新

莫學藕絲容易絕試將蓮子託同心

出塞曲

七星昱昱大將旗猛士百萬皆熊羆迢迢遠出雁門塞  
兩軍相見還相持軍中無糧殺牛馬夜得降人知衆寡  
天山月黑潛度兵飛箭著人如雨下捷書明日報甘泉  
死者白骨歸何年春風草綠秋風白魂魄為君長守邊  
五嶽為城海為塹天下人當棄弓劍

野中吟

白茅歌美華亭丞盛彥忠

附考白茅港南屬嘉定北屬常熟崑山有

三十六浦入海者惟崑涇七雅白茅楊林為最大

山東未息馬山西尚揮戈急起州縣丁北開白茅河海  
風裂面天雨雪山高水深不見日萬人鑿土如鑿山河  
邊死者誰收骨白茅河成如白虹百里直與昆城通將  
軍不待驅鬼工平地遂作魚龍宮問誰愛民如愛子華  
亭盛侯古莫比昔去今還悲復喜非汝身為白茅鬼盛  
侯之德河之水千古萬古流不已

穀可舂絲可絡賽神城南聽神語但祈無兵歲不苦

樞密院掾曹李至剛從特穆爾公守耽羅一年詔

回京師遇風抵曹涇明年夏復蹈海北上詩

以送之

附考曹涇北接黃浦東南至新運鹽河出金山衛城北

白洋十月行人苦北風簸浪魚龍舞黑洋六月南風回  
海客椎牛賽彭祖使者迢迢入帝畿連艘夜發迅如飛  
六鼇尚戴三山起一鶴初從萬里歸張儀雖困猶存舌  
置酒都門歌激烈丈夫得官貴少年腐儒窮經空白髮

題趙子昂秋林早行圖

北上莫渡河龍門如天誰敢過西遊莫趨蜀瞿塘如馬  
誰敢觸大星未落月挂樹行人出門向何處日日西東  
往復來青山不斷天涯路天涯路險更無窮破裘羸馬  
怯秋風日高茅屋猶未起愧爾山中白髮翁

題趙子昂秋江漁艇圖

朝漁江之南暮漁江之北朝暮清江邊公侯不相識西  
塞山前秋日微滄波浩蕩釣船歸老髯何來一相就鐵

送天台吳蟾友奉董宗師命主桐柏觀

天台之山四萬八千丈中有飛仙共來往東方未白天  
雞號扶桑赤日三更上山人曾識玉蟾翁丹砂九返面  
如童吹笙醉跨千年鶴朝上崆峒暮廬霍葛洪井西松  
樹老子晉臺下桃花落日邊人寄董師書別我却入天  
台居麻姑相見已白髮蓬萊弱水人何如我亦張帆上  
南斗餐霞有訣能相授青天更約借龍騎福地應知令  
虎守

明光宮麻姑相過急酒埽有酒莫使金尊空酒酣更呼  
雙童為我歌小海鐵笛雷怒來天風

醉芙蓉歎

蜀江芙蓉四十里花外樓臺夾江水蜀主龍舟八月來  
日照千門錦雲起一朶依稀武都女雪色宮衣輕欲舉  
已竊玄珠化水仙不同石鏡埋黃土朝妍夕態還相惱  
傅粉塗黃俱草草春風入髓猶未蘇丹砂換骨應長好  
淩波殿廢花亦殘江上秋深風雨寒武林城南偶識面

笛夜吹彭郎磯

小蓬壺歌

附考松江府志揚維禎所寓樓名在百花潭上

君不見蓬萊方丈三韓東上有飛樓湧閣何穹崇始知  
九州更在赤縣外弱水不與人間通赤鱗伏可擾白鳳  
馴可籠瑤草四時碧桃花千歲紅盧敖一去已無跡燕  
齊弟子徒相從鐵崖老人有仙骨七十復向雲間逢高  
臺剪斷一曲幽絕境銀河倒挂雙玉虹自非夸娥之神  
徙其處安得縮地如壺公讀書已去神禹穴獻賦不到



次韻鐵崖先生醉歌

先生愛酒稱酒仙清者為聖濁為賢清江三月百花合  
江頭日坐流萍船左攜張好右李娟紫檀雙鳳鴟雞弦  
傾家買酒且為樂老婦勿憂無酒錢白日西沒天東旋  
秋霜入鏡何當玄蓬萊有路不可到祖龍已腐三重泉  
何如快飲三萬日酒樓即起糟邱邊願持北斗挹東海  
月落枕股樓頭眠

用蘇東坡先生韻賦竹軒

把酒共看賴玉盤十年流落雲間路欲尋舊賞知何處  
芳心一點對斜陽脈脈無言歲華暮

題趙處仁竹泉所

王孫寶玦已流落九馬不復歸長安梨園歌舞入殘夢  
白屋無人空翠寒流泉汨汨如流乳竹應笑歌成律呂  
酒酣濯足望洞庭一片瀟湘隔秋雨有鳥有鳥來丹山  
羽衣五色朱其冠人間腥腐不足飽食汝竹實飲汝湍  
為汝一出三千年

江清月高夜未央芙蓉半白微有霜天魔小隊分兩行  
燕姬更勸蒲萄漿酒酣回身入洞房金爐火暖蒸都梁  
願君朝出夜飲酒祝君千年萬年壽

行路難

古有行路難其詞非一近見楊伯謙之作則  
言其易而不言其難也故申其義焉

采玉于閬河問君勃律何時過采珠鮫人室問君百粵  
何時出珠玉歲久同為塵君胡重利不重身海有波缺

朝饑不飽肉朝寒忍看竹愛竹已成癖尚勝桃李俗食  
笋糞生肥我癖無良醫籜龍未可斲頗怪饒奴癡竹下  
哦詩空咀嚼月明夜半來笙鶴

孫孝子歌

亂兵夜入高郵城孤兒失母號且行城邊白刃耀霜雪  
負母獨出千人驚君不見鵲鴉生子食母肉人間更有  
鵲鴉族兒知有母同死生蓼莪已廢猶能讀

白苧詞

南回妾有新詞詎堪寫夜撲流螢玉階下

題倪雲林畫

雲林先生老更迂酒酣落筆元氣俱滄洲赤縣隨意埽  
不學徐熙沒骨圖沉犀石帶波濤潤石上煙梢勢千仞  
參天古木蛟龍僵赤葉已脫荆門霜北風蕭蕭白日暮  
相偶應知不相附丹山之羽何時來會待春色陰厓回

折楊柳曲

楊柳何青春風拂長路朝送行人歸暮送行人去行

我揖山有石摧我輪行路難出門即羊腸何況萬里道  
管叔危周公匡人仇魯叟尊有酒盤有壺鼓坎坎歌烏  
烏海不可涉山不可徒路旁之人愛爾玉與珠行路難  
我以為父安知非虎我以為兄安知非狼仰天悲歌泣  
下霑裳

團扇詞

團扇何皎潔誤方雪與月雪當有時污月亦有時缺妾  
恨似天長君恩成雨絕昨夜秋風長信來星河已見西

夜長何漫漫  
嫠婦歎且泣  
落月當窗懸  
迴風尋戶入  
新愁不可道  
古恨無時斷  
吾將叫重華  
於江之南  
蒼梧山高  
湘水滿  
耿耿不寐起  
觀東方漭  
彼白露降  
而為霜  
碧草無情亦  
墮其芳  
安得不老  
既玄而蒼  
周公待旦  
思兼三王  
傷哉何為  
攬衣徬徨

遠別離

君不見青天之月三五缺  
三五滿惟有別離愁  
千秋萬古何時斷  
憶昨郎遠行  
城南柳飛絮  
迢迢出居延  
匹馬

人南北無已時折盡可憐無一枝

題王叔明茅山圖

一峰插天三萬丈衆峰旁聯不相讓我行未盡天下奇  
王宰寫山工異狀靄靄勾曲雲蒼蒼溧陽樹天高去鳥  
沒日落行人度茅君已千年浪憶燒丹處猶憶風雨夜  
騎虎山頭遇平生好山獨未歸山中桃花如雨飛相從  
采朮定何日長向雲間瞻翠微

秋夜長



一夜吹落金銀臺填坑委谷何皚皚龍蛇僵縮虎豹哀  
洪流不作龍門雷崆峒太白危欲摧將軍夜出猶未回  
馬前一片大如杯山中野老居崔嵬酌酒以餽燒芋魁  
安知銀屏翠箔圍白台但歌田有百穀年無災

董逃行

北風破肉邊兵利漢將驅人死邊地丈夫四出婦女號  
長安十日城門閉夜入南山忍衝虎尚勝迨迨隨捕擄  
城中有地盡蓬蒿城下何人種禾黍夜聞董逃四面歌

隨都護今年得郎書猶在天山戍黃河入大荒白草迷  
歸路夏日青無光朔風起朝暮不若路旁塵隨郎馬蹄  
去妾居但守節郎去當封侯昔為白門燕雙棲江上樓  
今作隴頭水嗚咽東西流時憑萬里夢夜到西梁州三  
十六部猶未滅良人那得朝金闕可憐池上紫鴛鴦白  
頭生死不相忘

白雪歌

崑崙火炎玉已灰神為六葉空花開北風萬里塞門來

兩山昨夜風雨止水漲新痕沒沙尾黃知彭澤柳初芽  
紅見武陵桃欲蕊老去逢春更惜春平生酒伴誰知己  
白髮楊郎古竒士千金已散歸田里閉門留客為張筵  
共喜一時成二美小兒行觴不計籌大兒割肉能操匕  
冬薤下筋白於肪秋藕洗泥寒刺齒且須快意在今朝  
況我中年會能幾亂離相見亦偶然海內交遊半為鬼  
顛狂豈顧旁人毀但恨白日無淹晷賦詩已覺無曹劉  
罵客安知有程李坐中一鶴能商歌歌作連珠盡傾耳

却思鄉土淚滂沱

雨中

江南正月如臘月花開未開春尚慳空中白雨急飛瀑  
海上黑雲深抱山老夫閉門愁不出十日西窗聽蕭瑟  
公卿韉馬五更朝且獨高眠舒我膝銅雀破瓦不補天  
我詩強學號風蟬荒邨無路竹雞喚載酒何人尋鄭虔  
白頭為農計亦足棄書耕田買黃犢

正月二十九日楊鳴鶴席上分韻得幾字

趙女起問郎君誰涼州葡萄不論價龜茲感粟當筵吹  
安知反覆一秋夢白髮漸滿紅顏衰吳王宮中走麋鹿  
真娘墓下號狐狸出門兩足苦無力強與老儒時賦詩  
君不見人間萬事如流水別有乾坤醉鄉裏不如與君  
更挾兩鴟夷李白陶潛共生死

穆陵行 并序

至元中西僧楊璉真伽利宋諸陵寶玉因倡  
妖言惑主盡發殲宮之在會稽者斷理宗頂

風卷新聲入夜雲  
豪竹哀絲靜如水  
若為倒卷玻璃江  
百尺高樓眠不起

丁一鶴以疾止酒詩以誚之

一鶴先生老耽酒  
夜飲一石朝五斗  
春來連月醉如泥  
窺戶欣無太常婦  
杜康昨者忽為厲  
鸚鵡不薦談天口  
結交昔在王侯間  
折節應羞兒女後  
地經攜李却垂淚  
日落君山獨回首  
浪說北遊年少時  
結束正似幽并兒  
朔風破肉雪埋脛  
桃花駿馬如星馳  
天街下馬意氣盛

雨花臺下開幽宮  
流螢夜飛石虎殿  
江頭白塢今不見  
人間萬事安可知  
杜宇聲中淚如霰

送定南宗住四明大慈寺

伏龍羅漢無人識  
萬里如雲條南北  
山川不可窮  
雲去雲來自無跡  
朝辭鳳闕向東湖  
身乘一葉秋江蘆  
東湖何處更求我  
白雲去盡青山孤  
開樓夜看山頭月  
月色湖光射冰雪  
四明太白相崢嶸  
天地虛空一豪髮  
老夫漂泊悲蓬根  
相逢已契三生魂  
人間火宅不可住

骨為飲器璉敗歸內府九十年矣洪武二年

正月詔宣國公求之得於僧汝訥所乃命葬

金陵聚寶山立石以表之余感而賦詩

六陵草沒迷東西冬青花落陵上泥黑龍斷首作飲器  
風雨空中魂夜啼當時直恐金棺腐鑿石通泉下深固  
一聲白鴈度江來寶氣竟逐妖僧去金屋猶思宮女侍  
玉衣無復祠官護可憐持比月底王寧飼烏鳶及狐兔  
真人歛見起江東鐵馬九月踰崆峒百年枯骨却南返



清江詩集卷四

他年聽法來松門

之間矣公雖去此而猶眷眷不忘間屬予賦  
予聞適意山林者恒抗公侯之富而爭名市  
朝者恒譏處士之介是皆得之此而失之彼  
惟公則不然昔之藏也非必於山林安其時  
也今之仕也非必於市朝行其道也故在青  
蘿不為損至於視草北門亦不為加隱顯一  
機喧寂同趣孰得而窺其際耶公擅一代之  
文章所著多行於世而貯於山房者必有光

欽定四庫全書

清江詩集卷五

明 貝瓊 撰

七言古詩

青蘿山房歌

并引 附考山  
屬金華浦江縣

青蘿山在仙華之東蓋仙華為黃帝少女升  
天處其山峭壁千仞而支別為青蘿今翰林  
學士宋公景濂讀書其下因名其所曰青蘿  
山房絕嶺之雲烟長溪之魚鳥皆接於耳目

可為君補天隙一朝寘之白玉堂青蘿寂寂寒無光何  
年借我白石床卧看明月來東方與君酌酒歌我曲君  
歸早訪初平羊

題火龍烹茶圖

并引

右火龍烹茶圖蓋寫古帝王事而斷縑落粉  
半為好事者裂去獨有茶具及黃衣中使拱  
而立者二人烹茶者一人曲江錢惟善定為  
唐之玄宗豈嘗見其全歟然所謂玄宗者不

氣燭天與山之寶玉同不泯矣遂為之歌曰

仙華之山何嶄絕兮插天萬仞青相磨山勢東來忽平地蜿蜒不斷為青蘿青蘿隱隱如崩石夸娥負山山為折欲叫軒轅向何處千古萬古空遺蹟玉女得道登雲車凌空直上太清家雲車不復返落盡金莖花風淒淒兮又下雨行人慘兮子規語山回路盡或逢花知是青蘿山人結茅宇山人紫府神仙客身今六十頭尚黑胸蟠五色天女絲手煉五色神媧石絲可為君成天章石

開元盛事何人省書生亦解誇雙井空山埽葉燒破鐺  
閉門讀書秋夜永

己酉清明

白紵衣鮮紫駟馬清明酌酒梨花下馬蹄一去不復來  
梨花又見清明開城南城北多新墓日落啼鴉滿高樹  
有酒誰澆千歲魂子孫盡發濠州住主人更勸金巨羅  
阿蠻起舞玲瓏歌生前不飲君如何

蘼薺吟

知當勵精圖治與張說一二十大臣共樂集仙  
時耶抑其既耄而昵於妃子時也特人物位  
置要非院工所及未暇考譜以實之姑為題  
其左云

松聲忽作秋濤雄銅龍吐火鱗甲紅黃衣中使備玉食  
泉出金沙甘露濃春風一旗色尚活建溪山人雨前掇  
蓬萊殿裏沃焦餘玉盃分霑侍臣渴名花喚起海棠魂  
細葉未數丁香根宮中一日歌舞散世上千秋圖畫存



西家酒熟攜滿觚  
詔書昨日五門下  
天子盡賜今年租  
近天不必城南杜  
范蠡湖頭一茅宇  
瓜生隴上已離離  
豆長南山少荒土  
出門豈識卿相尊  
對客何憂子孫魯  
歲祈五風十日雨  
上無飛蝗下無虎  
四海從今盡中國  
作歌且為歌洪武  
但存父子與君臣  
風俗當如結繩古  
余避地千金圩  
屢遊芟史兩山  
酒酣興發賦詩

一首惜山中無賞音者姑錄以自娛云

附考  
史山

即芟山  
東峰

清江老人腹空洞白首談經耻無用酒酣入水問河神  
乞我黃蘗三百甕平生不羨將軍腹冰壺先生真我族  
山妻日晏具朝餐露葉霜根甘勝肉君不見海上巨族  
如公侯詔書夜遣官兵收

耕樂吟二首

南邨北邨喧僕姑一雨已蘇百草枯青稻如雲不見塗  
水龍三伏閒在隅桃源之樂人間無阿翁哺雛妻餉夫  
生來不作章句儒但擬百斛量明珠東家擊鮮大作社

春前野桃渾欲放雪盡黃精亦堪煮興來起挾李長庚  
重載琵琶雙玉女

海翁謠

海翁隨白鷗白鷗亦不驚千金散如土身與白鷗輕問  
翁甲子翁但笑人間豈識安期生祖龍一別阜鄉晚已  
見六鼇脊腐三山傾天空潮落夜如水月色下照珠宮  
明麻姑到家急汎埽桃核酌酒為勸王方平

壬子春二月既望桑君子材招余重遊爰山遂

神人夜割蓬萊股蒼然尚作青獅舞父基得道此飛騰  
煙火千家自成塢前年盜起官軍下存者如星纔四五  
我來欲置讀書牀出入未愁穿猛虎山寒月黑無人聲  
夾道長松作風雨佩環何日歸公主泉下銅棺閔千古  
石仆麒麟罷官守林宿鴟鴞聞鬼語苦耽勝槩惜殘年  
共說當時悲老父錦繡池臺已零落田翁八十鋤新土  
傷哉土俗尊巫覡伏臘荒祠沸簫鼓祠旁鑿井深不枯  
雲氣隨龍有時吐試上崔嵬望沃洲直將培塿齊天姥

帝子何年上天去黃鳥歷歷鳴相求來青堂上坐終日  
飲酒況得公榮流金刀割鮮氣頗壯白日下地仍相留  
酒酣長歌動左右詩成落筆蟠銀鈎平生快意在一適  
放浪豈知公與侯玉臺王母自千劫海屋老人今幾籌  
青春無價須秉燭明朝花落令人愁

題徐復初參政驄馬圖

青驄萬里來安西五花滿身玉削蹄將軍大雪騎出塞  
風鬃未洗龍城泥何人落筆通造化天上房星降中夜

燕陸景遠氏來青堂與者丁一鶴董祖南景  
遠父子及余季子翱一觴一咏不啻蘭亭之  
會也酒半移尊公主墓側而董海翁亦至子  
材遂大醉卧石上不能起命兩童掖之登舟  
余與衆客至東山興盡而返因賦以紀其事

云

附考宋孝宗公主乾  
道二年葬於及山

老夫一月不見山山癖無醫殊未瘳野桃作花已爛熳  
故人約我山中遊日車出海風雨收千巖萬壑清如秋

由起居注出僉浙江按察司

吳山人讀書不作章句儒西上玉笥觀匡廬尋龍經在  
神莫閱金盃玉杯何處無負土哀哀者劉氏兄死無兒  
惟有弟山人為卜范蕭峰水抱山回土田美紫荊一榮  
復一枯岡頭日落啼老鳥百金報吳笑不顧一詩價重  
雙明珠君不見孫生瓜熟能供客客指黃花洞前域山  
空白鶴今有村白鶴南飛杳無跡

胡虔雪獵圖為徐復初賦

朱衣老奚驚有神不獨開元數曹霸漠南漠北千帳空  
將軍賜爵論邊功此馬豈與凡馬同解鞍落日從遠放  
黃金臺高春草豐

吳山人詩

并序

西江吳山人者讀書綴文尤通地理書劉貴  
道葬兄之無後者山人乃指范蕭峰地既固  
且安遂葬之以十金報山人却不顧曰但得  
天下名士一詩足矣因持卷求余賦貴道今



鳳棲其  
樹故名

天寒水清石齒齒  
杏葉初黃豆花紫  
舞榭歌臺不見人  
頭白烏啼月明裏  
當時豪俠傾五侯  
一榮一枯八十秋  
綠珠亦解死金谷  
草露作淚無時流

奉化李公復祖母沈氏年二十生子七月而寡  
既長沈為娶兄之女為婦生二子亦寡長即  
公達次公復二母今皆已老號雙節堂為賦

列朝詩誤作  
張司丞羽

太古天驕宅幽朔平沙四面無城郭生兒豈識種禾黍  
走狗呼鷹共為樂北風颼颼大雪溼越塹凌岡馬蹄急  
弓開滿月不虛發赤豹玄熊號且立日暮兩狼歸挂鞍  
燕支勸酒左右彈一時快意良不惡金刀割鮮行玉盤  
君不見漢家天子獵四海塞下將軍歸奏凱青邱雲夢  
何足誇猛虎長鯨肉俱醢

十月三日過梧桐溼時官籍濮彥仁宅妾龐氏

唐氏自經感而賦之

附考桐鄉縣志溼在邑東即濮川所通處昔有

日來往乎其間高堂中有如花顏銀屏翠箔青春閑涉  
此萬里道經年猶未還黃金不買死直欲高南山汝舟  
非龍汝非虎鼉鼉出沒饒蛟舞前者已脫後者號江神  
無情天又雨石巉巖兮利刃攢一葉宛轉行千盤覩此  
魂魄悸豈待杜宇夜叫猿聲酸安得鑿之盡平土萬古  
不識風波苦

送進士霖歸天台

赤城雲起神仙家千樹萬樹蟠桃花十二樓臺起花外

鳳髓鸞膠難續弦雙龍破鏡再難圓阿婆二十已守節  
新婦哭夫方少年大兒嬌啼母心苦小兒十月安知父  
破窗風雨來早秋夜績燈前共相語山頭松柏摧為薪  
山前翁仲亦成塵紅顏憔悴垂白髮生死不慙泉下人

郭忠恕出峽圖

巫峽何危哉夾拱如龍門禹治九州不得到此峽口水  
作雷霆奔問汝江中人幾日三巴去幾嶠五月銷古雪  
瀝瀝堆深虎須怒巫峽之險安可攀胡為吳檣楚柁日

一編大學正全書予復傳之四方共平生河神董百甕  
豈望為郎食官俸迢迢北上不可遲十月黃河雪先凍  
老夫買酒無一錢作詩直比琅玕送

徐給事山水歌

并序

給事中徐以文善山水嘗為禮部員外張惟  
中作層巒疊嶂圖惟中求予題詩於上予久  
置篋中竟為好事者持去乃賦長歌以復之  
吳門故人徐給事一水一山稱絕藝濃毫燥墨隨意成

石城水長通胡麻當時劉郎亦草草出山却憶山中好  
莫信丹邱日月長玉人已共桃花老山空水流雲自飛  
劉郎看花須早歸

送車定夫赴萊蕪簿

空青丹砂世所奇烏喙昌陽亦皆用赤城車子玉峰孫  
年過四十猶未貢南宮昨日獻文詞百族紛紛見孤鳳  
一官初試萊蕪邑古人今人差伯仲釜中有魚晨不爨  
案上無螢夜猶誦尚思論道程朱後玉峰先生最談綜

老歸何時寫我平生有聲畫償君太古無聲詩

精衛憤

并序

定海漕戶夏文德元至大四年夏運粟赴京  
師其子永慶侍行抵河間海津鎮文德墮水  
永慶奮身入水中挽父衣出波面橈工提戟  
鉤其衣得不死永慶浮沉洪濤力弗支而溺  
時年二十一太史危素為傳余讀而悲之為

賦精衛憤

位置非難在神氣大山積缺青巔玩小山伏起蛟龍蟠  
水有百道噴薄之飛湍宛然坐我明星玉女下五月六  
月松聲寒荆關筆法自奇古未數畫師楊契丹仙家樓  
臺十二闌飲煮胡麻須可餐采藥何人入少室讀書有  
客居王官我遊白下未得去五更出門雪滿鞍虛空翠  
黛不復覽一日剪向高堂看員外張公尚文采身住南  
宮志滄海李白已死今無詩卷示老夫增慷慨近來好  
事復持去夢覺煙霞竟安在白鶴夜怨清猿悲山中春



仙家只在流水外世上無人知姓名一日花間問漁者  
山河百二如崩瓦赤帝西來祖龍死復見同槽有三馬  
太康去秦六百秋子孫生長不知憂商顏黃綺亦何事  
白髮出侍東宮遊龍爭虎戰俱寂寞絕境空存已非昨  
種桃何必指秦人春到花開又花落

鳳凰臺懷古

附考在江寧府治西南二里杏花邨中宋元嘉時鳳皇集於此山築

臺山椒  
以表瑞

鳳凰臺前山色古鳳凰已去今平土雕甍繡柱非昔時

乍登太行莫涉滄海水天吳九首馬一角白浪崩山颶  
風起精衛萬古長銜冤無人為汝箋天門孝子亦何辜  
死挂扶桑根願銜西山石朝飛暮飛折兩翼西山石盡  
海不極月黑珠宮閼魂魄覓覓不歸思何已乍登太行  
莫涉滄海水

張繼善寄桃源圖

張生寄我桃源圖桃源有路歸何日高堂坐見武陵溪  
犬吠雞鳴猶髣髴雲氣挾山山欲行山窮水濶桃花明

婦風時舅沒姑老事之盡禮宗族稱之生子  
亨亨娶錡均祥女頗涉書史至正戊申秋閏  
七月蕃將竹貞為亂寇掠雲中婦姑匿複壁  
間為遊卒所得驅迫以前華氏厲聲謂卒曰  
我張奉先妻也驅我安之必死於是復謂婦  
曰汝年少將若何婦曰嘗聞忠臣烈女之事  
已審寧就辱乎姑曰欲經無索欲刎無刃婦  
曰賊可激而怒也遂大罵不絕卒怒殺華氏

月白連營宿貔貅登高四顧何壯哉金陵形勢自天開  
酒星不見李太白何人與傾三百杯拒霜花紅秋草綠  
尚想英雄起相逐山河萬古一金甌宮殿中天開玉燭  
元嘉之事安足談瑯琊法堯終可慙葱葱佳氣今復見  
黃旗紫蓋天東南當鑪小姬字桃葉笑我重來髮如雪  
相逢莫惜千金裘五夜吹簫醉明月

雲中烈婦行

并序

武州守雲中張奉先妻華氏年甫笄有古賢

東海倪迂十年別昨日朱顏今白髮作詩作畫猶未休  
酒後揮豪見三絕綠江白屋知幾家參天古木僵龍蛇  
蒼皮半死或垂癭赤葉未脫都成花我知用心亦獨苦  
衆史庸奴焉足數英華已剝餘本根老氣尚存冰雪古

毛女辭二解

山葉為衣雙足赤何年入山不火食宮中歌舞猶能憶  
猶能憶空徘徊白日晚阿房灰

鳳皇釵脫烏雲髻紅藥花鮮還自把朝朝暮暮南山下

鎔不為動聲氣益厲又殺之姑年四十有五  
婦年二十有一余聞而壯之作烈婦行

出門何匆匆姑行婦乃從蕭條百里外但見旌旗紅東  
家破柱索珠玉西家夫死無人哭鳳凰中道忽相失豺  
虎滿城誰敢觸仰天天高跼地無泉白刃如雪馬屯塞  
川乍可玉碎寧能瓦全旁人還共悲妾死猶生年雲中  
之英雪峰萬仞同嶄然

題倪雲林木石

天雲漠漠四野低  
大山小山玉筍齊  
春還何處尋消息  
花發枝南與枝北

洪武八年三月奉旨分教中都生自龍江至臨

淮凡十日為賦長謠以紀山川風景云

附考  
龍江

驛在江寧儀鳳門  
臨淮縣屬鳳陽

三月金陵別匆匆  
催夜發無處不傷春  
楊花半江雪  
海水忽成潮  
奔流亦西迴  
行人渡江去  
何日金陵來  
可愛焦山孤  
直對妙高臺  
天遣神黿戴拳石  
青蓮一朵龍宮

南山下千萬年不采藥能神仙

題山水四景

雨前雨後花滿川春光浩蕩殊可憐  
山人日高眠不起勸酒提壺落紅裏

青林五月不知暑玉女曬衣中夜雨  
客至清談酒更添白楊梅熟薦吳鹽

田家酒熟當早歸天氣漸涼催授衣  
一夜西風破霜蕊芳菲不共芙蓉死



桃核杯歌

并序

鐵崖楊先生桃核杯歌序稱元初邱長生醉  
卧三日不起世祖侯之時方醒曰臣侍西王  
母燕食臣桃一枚因出手中核裂為二杯一  
以獻上一留長春宮余竊怪之而江南野史  
紀蜀道士王回嘗進桃核杯於其主云得之  
陳希夷所或者假之為邱長生事乎而先生  
未之考也道家虛誕亦不足論特愛其詩有

開雨足南風生五兩楚柁吳檣競來往海門雁陣入雲  
飛甃社鸞帆迎月上信宿過淮陰不見淮陰祠將軍竟  
為兒女詐空憶釣魚城下時行行泗州近岍有鐵佛古  
水妃泉下伏猶疑作雷雨平生不出戶焉知天下奇前  
瞻鳳陽城宮殿起參差兩都未足論天啓萬年基四方  
此會同車馬填九達苦酒能寬憂酌酒日賦詩遠遊頗  
快意白髮羞成絲悵望芳草綠祇合歸樵牧明年上疏  
當乞身葛洪井西鏡湖曲

花試挾雙窈窕一醒一醉三千年

題華山圖

太華五千仞石色青如苔嶄然表四極肇自鴻蒙開河  
流破石雷霆激父老空談巨靈跡山寒五月疑清秋鳥  
飛不過仙掌側我欲上從羽客雲臺間鍊鎖高懸猶可  
攀千葉池蓮食之久不死明星玉女相往還相往還人  
間萬劫纔一息峰頭大笑驚下方日落咸陽秋草碧

贈乘槎客

神珠脫胎日月破鬼斧鑿竅乾坤開之語可  
謂巧於詠物者矣因賡一首而主于王回為  
言蓋以傳載有所據云

度朔之山有桃屈蟠千里兮結子輪囷大如甕天上惟  
聞方朔偷人間不許劉郎種何年阿母燕雲臺食桃戲  
作鴛鴦杯道士王回獻闕下缺月夜墮青天來玉杯未  
辨新垣詐學士銀杯一時化安知別有蓬萊物百斛葡  
萄向君瀉鸞歌鳳舞在君前酌此可以求神仙山中看

李將軍歌

漢家李廣舊無雙年少提兵飛渡江  
黃石素書心已授龍文赤鼎手能扛  
不作諸生自辛苦千金結客輕如土  
朝呼野外黃頭鶻夜殺山中雪毛虎  
天子詔書開四夸五年出塞事征西  
三冬冰雪皴人肉萬里關山碎馬蹄  
今日相看鳳陽道繡袍換酒情偏好  
虎符金印來未遲缺硯毛錐吾已老  
豪俠平生感慨多尊前擊劍起高歌  
定知班固文章在為勒燕然示不磨

六月淮南不知暑閉門日日風和雨乘槎仙客何處來  
把酒張燈連夜語酒酣示我搢機石曾到天河見河鼓  
人間倏忽三千秋弱水三枯海鰲腐吳爭越戰空陳迹  
山繞錢唐作龍虎柳外樓臺十萬戶太平重自南朝數  
吳娘玉面勝梨花解向尊前胡旋舞樂極哀來淚相續  
城郭秋深半未忝故宮樹老啼寒鴉山月無情照今古  
白首相看亦偶然忘形何必論賓主天為酒星地酒仙  
麒麟將相皆黃土約我他年一櫂歸西湖煙浪從漁父

天下畫師無董源學者紛紛工水石雲山萬里出巴陵  
白首淮南見真蹟亂石平坡淨無土松根裂石蟠龍虎  
偃蓋千年飽雪霜深林六月藏風雨江上邨墟何處入  
浮空遠黛蛾眉溼漁人日暮各已歸小舟如鳧落潮急  
我昔西清嘗看畫南唐此本千金價坐移絕境在雲間  
月出霜猿啼後夜薄遊未挂吳淞帆令我一夕思江南  
安得買田築室幽絕境開窗日月分晴嵐

題趙子昂松石修篁圖

題董源寒林重汀圖

并序

余客雲間邵公筠谷所暇日觀畫西清菴而  
董源寒林重汀為第一筠谷出入必寘之左  
右未嘗舍去累求余題而未暇也後十年至  
中都其子麟攜以過成均曰先人嘗言必得  
先生奇文章與此圖爭蒼古可也敢重請焉  
於是賦詩一首謹書於左惜筠谷既沒而不  
及見之豈勝今昔之感哉



嶠朔風吹沙不見塗青天茫茫飛鳥孤我歌短歌傾酒  
壺勿言太行險人間之險何時無

次韻答王蘊德紀善雨中見寄

老夫三月不出門懶性有如嵇叔夜聖明遇物先采擢  
枯槁於時亦沾灑病駒只合中野棄寒雀寧思上林下  
印常不啟信官閑書亦慵耽從客假淮南六月如早秋  
未脫吳綾頗相訝白雨三更滄海立黃河一道青天瀉  
池翻紅艷落蓮衣石長綠文成藻藉姑惡時鳴父老憂

白髮王孫老薊門逢人只說山中趣酒酣落筆有天機  
寫作陰厓百年樹一株偃蹇龍蛇影繞屋風聲三伏冷  
流脂入地成虎魄死骨經雷縮人瘻森森竹石俱蒼然  
一日坐我天姥前王孫跨鶴歸何年山空月明啼杜鵑  
太行山謠送靳用中歸潞州

太行之山包燕跨晉兮拔地千仞誰能踰天何不鏟羊  
腸九折坂使人萬古方駕而長驅山寒六月積冰雪窮  
猿怪鳥左右時相呼故人玉女泉頭居北上豈不愁崎

日苦短辭九章

日苦短夜何長蟋蟀悲鳴在北堂白露下河漢明叶黃  
姑織女東西望撫雲和薦清觴同心胡為各一方麟有  
趾鳳有章蒼姬感之國乃昌世之微佞為良鉛刀一割  
拒干將悅巧辭隳大防蟾蜍食桂癰斃桑聖去魯軻遊  
梁道既杳鑿徒俵俵昔少壯今老蒼朝榮暮歇同舜英  
叶胡不歸阻異鄉孰假以翼令高翔

題海山秋曉便面

鬼車夜過兒童怕空懷南巷人相遠豈有東家馬堪借  
百錢沽酒愧餅空斗粟如珠抱衾賣已慙不作子虛賦  
尚託端居廣文舍隱几南窗亦自高驅車九陌知誰暇  
識字終非揚子博題詩誤許曹劉亞但覓丹砂苦未成  
久知白髮那能化兩峰絕境可誅茅何處良田足甘蔗  
赤城仙子玉符孫雙壁今傾鳳臺價楚筵設醴未應忘  
齊門鼓瑟空遭罵時看新學氣如虹病送殘年肉銷胯  
投効終當去石門日斜田父茅簷話

我眉古松寒不死曾見仙人三洗髓  
霜摧雨剝雷震餘千尺老蛟鱗  
甲紫城南桃花千萬株亂後一株  
今亦無長身獨立何偃蹇正直自  
是神明扶

遊冶亭

仙宮有山如虎蹲石古不洗泥沙痕  
山頭冶亭久寂寞日夜雲煙相吐吞  
我來登山恐無路雨過新綠如雲屯  
解衣亭上坐盤礴身同野鶴初離樊  
攢青疊翠起相向插天喜有鍾山尊  
蟠龍之勢欲飛舞起伏高下何蜿蜒

巫子門前吹颼風一杯瀛海白浮空周回已吞赤縣小  
浩蕩直與天河通方壺員嶠不可見弱水便在三韓東  
無人鞭石為梁跨萬里下拾明月龍王宮金雞三叫呼  
客夢日車夜袞波濤紅樓居之人起相顧白玉窗戶光  
瞳瞳我願羲和停六龍豈不能長懸照下土朝東暮西  
使人成老翁至今纍纍野葬悲英雄六龍為我駐光彩  
千古萬古遊無窮

孤松圖

金鞭走馬白下門吳姬坐調諸王孫一時光彩動左右  
豈意零落悲蓬根方今幸樂太平日衰朽自荷皇天恩  
平生英氣獨未盡賦詩尚敵曹劉垣長干買酒喚李白  
江風山月須吾論

題淮南張叔厚九歌圖

紫宮太乙中煌煌佐以五帝環其旁道存無為樂且康  
豐隆儵忽周八荒鬼奪大燾蛟螭黃上台司命中文昌  
斟酌元氣調陰陽福我以德淫必殃下招帝子隔瀟湘

大江西來赴碧海腥風五月吹江豚東南形勝此第一  
凝問六代英雄魂珠簾羽帳俱已燔荒基草合鷓鴣喧  
百年死樹剥鱗甲秋聲夜作波濤奔嵯峨更愛北山秀  
霞氣曉射扶桑暎周顒何處草堂閉往往月落聞驚猿  
山窮水盡見平野人家彷彿淮南邛莫愁艇子不復繫  
桃葉渡口愁黃昏可憐今古竟何事區區王謝猶爭墩  
向來海內俱腥臊聖主匹馬開中原黃旗紫蓋今始見  
青春一氣回乾坤重遊京國非少壯耆老如星今幾存



蒼梧九點山蒼蒼踰鳥三足升扶桑天門洞開夜已明  
神人瞠目鬚髯張長弓白羽射天狼水仙胡為宅龍堂  
九河既阻不可方鼃鼃出沒波湯湯山中之人白日藏  
天陰雨濕啼幽篁兜鍪戰士身盡創魂魄欲歸道路長  
吹簫擊鼓歌巫陽酌以桂酒陳椒漿神兮不來何渺茫



清江詩集卷五

欽定四庫全書

集部

清江詩集卷六

七

詳校官太僕寺少卿臣李廷欽

中書臣劉源溥覆勘

總校官知縣臣楊懋珩

校對官助教臣汪學金

謄錄監生臣王寶唐

欽定四庫全書

清江詩集卷六

明 貝瓊 撰

五言律詩

臨平道中二首

附考屬  
仁和縣

落日臨平路連山盡向南水聲黃鶴寺雲氣白龍潭  
喪亂今誰在幽奇昔屢探湖邊樓閣廢高柳與天參  
西施採蓮處所歷已皆非雁度輕陰去人衝暝色歸  
甲兵隨地滿煙火隔林微賴有杯中物愁來為爾揮

夜坐

黃昏畏虎出須使戶常闔鳥雀林間噪漁樵海上還雲  
深驃騎廟月照鳳凰山喪亂吾何適飄飄獨厚顏

壬寅夏五月廿四日對雨

出門仍苦雨豈復辨朝曛白日不照地青山都入雲江  
鷗元自濕杜宇豈堪聞喜有張公子相過共校文

題映雪齋

門前雪一尺苦士未能眠永夜生虛白窮年守太玄寒

通窗外月夢落洞中天太乙如相過青藜不用然

魏塘夜泊

附考嘉善縣古魏塘鎮又名武塘

風帆如健馬一日過嘉興水鳥時相喚秋蚊尚可憎  
照人明月近接地白河澄耿耿渾無寐中宵對玉繩

過竹岡

附考在松江府東七十里南濱海北抵松江

迢遞竹岡路邨墟烟火遲地從滄海盡天入大荒垂  
網集知潮落舟行覺岸馳平生貪勝槩隨處一題詩

橫港

南行入橫港茅屋帶林邱落日猶斜照寒潮忽倒流牛  
羊平野散鵝鴨小溪浮喜見平生友籬邊一繫舟

靈鷲十景

附考晉咸和元年西僧慧理登而嘆曰此乃中天竺靈鷲山之上嶺不知

何以飛來因樹錫結菴名曰靈隱命其峰曰飛來

蓮花峰

下天竺寺西峰頂有孤石可四圍頂上四開如千葉蓮花

亂雲交滙對孤石竦峇堯地識金仙隱巖看玉女朝香  
爐分秀色太華竝高標恐有峨眉雪千秋尚未銷

龍泓洞

在天竺山靈鷲院理公巖之北吳赤烏二年葛仙翁於此得道有石洞世

傳微浙江下通蕭山有采石乳者入洞聞  
波浪聲舊有人就洞南邊鑿羅漢十六尊

遠通羅刹國近接梵王臺  
海客然犀入山人采乳回林  
間無日月地底有風雷  
聞道蜿蜒去寒潮自往來

葛洪井

下天竺寺晉時葛洪嘗  
煉丹於此今名煉丹井

洗藥源頭路通人有石門水  
涵青壁靜雲與紫崖奔鼓  
翼朝飛鳥連肱夜飲猿仙翁  
今不見濯足弄潺湲

合澗橋

飛來  
峰下

橫水東西路幽人日夜過  
宛宛龍赴壑隱隱鵲填河  
緬



想赤城路潛通滄海波遠公不送客芳草澗邊多

連巖棧

天竺山後

危棧梯空上人行杳靄中險應踰鳥道幽已出龍宮日  
月三天近風雲一逕通何時倚飛翠極目送孤鴻

飯猿臺

在呼猿洞

猿父識猿性身與羣猿居應同支遁馬豈賦狙公狙共  
息貝多樹時分香積厨黑衣今不至長嘯意何如

夢謝亭

在下天竺寺紫謝靈運會稽人世不宜于息乃于錢唐杜明師寄養師是

夜夢有賢人相訪及曉  
乃靈運至因以名亭

相傳謝康樂曾寄杜明師此客今為土何人更解詩山  
空黃葉墜歲久綠苔滋日暮高亭坐悠然動我思

理公巖

在天竺山靈鷲峰之左飛來峰之陰懸理冥息於此故名

山僧住上方高處更蒼蒼不雨雲煙濕長春草木香削  
成看小朶幽絕擬空桑謾識跣趺處白猿今已亡

題名塔

飛來峰頂即神尼舍利塔

雁塔高千尺東南遠建標江山留過客日月記前朝鐸

受天風震梯經劫火燒四賢誰復繼千古意寥寥

呼猿洞

宋僧智一善嘯有哀松之韻嘗養猿於山間臨澗長嘯衆猿畢集人謂之

猿公

白猿呼不至洞口白雲重澗落經霜果崖留挂月松相  
傳來萬里獨嘯應千峰碧玉環猶在何人識舊踪

人日

卜宅鄰揚子登樓擬仲宣客星猶海上人日且尊前谷  
鳥情偏樂林花暖欲然浩歌醒復醉何用惜中年

送王宗成歸越二首

回首蓬萊閣東西兩眺高參天秦望樹動地浙江潮  
事往登臨倦時危戰伐勞應無舊鄰里夏雨盡蓬蒿  
慘澹風塵際崎嶇道路中榮知金馬隔老信木雞同  
擬逐桃源客相尋綺里翁不須登廣固撫跡歎英雄

冬夜三首

月斜窗戶白不寢夜何長避亂多空室偷生且異方  
安巢無燕雀競肉有豺狼脉脉如葵藿傾心待太陽

歲月悲遊子風塵老腐儒兵交連北冀客隱向東湖  
草白秦皇道天清陸瑁湖昔時遊樂處撫事一長吁  
水濶三江地山空十月時寒花禁露變獨樹愛風歌  
老  
大將何事漂淪幸托茲不忘憂國意展轉復成詩

亭林漫興四首

附考亭林鎮屬華亭顧  
野王故居亦名顧亭林

野王讀書處一曲鎖風煙客記蕭梁日僧談石晉年  
黃金曾布地滄海復成田遺構丹青落回頭一惘然  
繞屋盡流水通人無石橋地偏冬不雪江濶夜還潮  
但

喜逢迎簡寧辭跋涉遙叢篁與古木風雪更蕭蕭  
每過高僧話應寬過客情詩成天藻麗酒瀉雪香清文  
度推英俊元方辱弟兄何知漂泊際懷抱一時傾  
又出亭林道樓臺尚自疑無邊春草色不定野雲姿未  
就龐公隱空懷惠遠期飄飄何所適重擬結茅茨

守歲

守歲西清第幽懷且自寬極慚公子意須盡老夫歡明  
日王春始踈星子夜闌殷勤一杯酒到手莫辭乾

寓翠巖菴四首

已荒丹井宅近息翠巖祠老去時聽法春來且賦詩花  
香蜂出戶樹密鳥爭枝絕境風煙外漁人不用疑

彷彿東柯谷雲間雞犬聲梳頭忘日晏濯足愛江清草  
徑須頻掃茅堂苦未營携壺慚父老亦足慰吾情

蓮社僧相引柴門客屢回日高人語靜風遠佛香來碧  
愛琅玕繞紅看躑躅開便應從此老城郭有塵埃

蟪蛄當戶罨科斗滿池生可惜春光去何時晚計成病

多添越思愁減發秦聲此意無人會芳樽且獨傾

三月晦日

野樹殘花落風荷小葉開夜遊須秉燭春在更持杯屢  
閱雲霞變空驚日月催江山莫淹滯準擬賦歸來

歸石門

不待秋風起匆匆歸石門宦遊情已薄婚嫁願猶存竹  
所須開徑花時獨灌園比鄰共來往適意倒芳樽

晚眺



極目三邊靜傷心萬室空斷山明落日飛藿卷回風漢  
節無歸使夸歌有野童煙塵幾時息歸釣古城東

過王景修

不識滄洲路還經白石磯林深煙似織江黑雨初飛野  
店多先閉漁舟獨未歸幽人宅已近薄暮扣柴扉

答郭宗夏

思君不得見起坐若為情喪亂長南北交遊半死生家  
書春未達堠火夜偏驚何日聯床語西窗聽雨聲

題盛子昭畫

石轉交流水山浮欲動雲名園鄭谷迥絕境輞川分老  
樹龍初化仙人鶴不羣已臨吳道子不數李將軍

觀水

布穀邛邛急三時農務勤青山十日雨白水一溪雲即  
恐崩沙圻遙知小圃分朝來看潏潏鳬雁動成羣

秋涇雨後二首

地蟠吳會盡天與海門通雨洗秦山碧霜侵越樹紅居

人分絕島飛鳥度寒空極目情何限翻如入剡中  
石潤冬猶熱江渾晚乍晴樓臺消蜃氣鼓吹入蛙聲且  
伴雙鷗逸何須駟馬榮交遊今總絕酌酒任吾生

甲辰元旦

五十今朝過談經滯海濱天陰不見日地冷未知春  
染翰題新語開襟待故人宮花遍朝士那上小烏巾

二月十三日初度

知非吾已晚白首尚他鄉不入廣文館寧要太守章  
寬

憂應有物却老信無方謾憶兒童歲斑衣父母傍

寒食

不知春已過一月雨聲中蒲短初侵水花殘更受風病  
疑耽酒過窮覺向詩工失喜聞鶯語飛來草屋東

出門皆白水風雨復通宵忽似三川漲惟憂萬室漂娟  
娟輕鳥下潑潑大魚跳歎息佳人阻空瞻烏鵲橋

為客雲間久深懷父老情江山元壯麗城郭又清明傳  
燭初分火吹簫競賣錫重攜一樽酒花下試同傾

五月十六夜獨坐

大野喧豺虎深林集羽毛  
天空雲氣盡夜久月輪高  
士卒悲秦戍兒童唱董逃  
此時空感慨漂泊歎吾曹

登雲間驛樓次李希顏韻

萬國干戈裏荒郊野日曛  
殘唐終五季炎漢亦三分  
戰伐求頗牧謳歌憶舜文  
傷時一惆悵倚柱送孤雲

青林道中

附考青林今名青邨在華亭十五堡

葭莢連雲暗菱荷逐水漂  
青林千曲轉黃浦一支遙  
賈

客晨衝霧舟人夜聽潮何時免行役黃髮老漁樵

夜泊

四更風露靜歌枕獨無眠野濶天斜倚江清月倒懸誰  
家橫塞笛有客盪歸船可惜雲深處淒涼不及前

重過亭林

欲訪曾遊地樓臺半有無夕陽明鳥背秋水落龍鬚為  
客今成老逢人亦暫娛夜歸衝暝色重問顧亭湖

戊申九日宴邵武叔雙桂軒

晚香迎九日秋色勝三春驚座非無客傾城況有人且  
聽歌白苧莫惜岸烏巾更覺清狂甚不知誰主賓

懷語溪舊業

不到溪南宅桃花又一春長貧疑造化已老厭風塵直  
道難容世虛名只誤人扁舟即歸去吾豈戀秋蓴

十一月九日夜飲南山所用筭谷韻

水國潛鱗靜風林倦翼回夜深雲掩月春遠雪封梅翦  
燭清談久藏鈎急令催山僧更多意莫惜盡餘杯

挽溪南處士二首

天地消兵氣江湖隕客星  
羣英同日起一葉向秋零  
伏勝終秦士揚雄老漢庭  
尚思風雨夜縱酒共忘形

不廢專門學猶存蓋世功  
時危明出處道在任窮通  
節士無元振諸郎有阿戎  
九山雲氣冷何處葬仙翁

寒夜

月落江天黑長風正怒號  
靈雞寒失次別雁暝呼曹  
擊柝征人起鳴機織婦勞  
所思千里隔十二碧峰高



己酉元旦二首

不改山河舊同瞻日月新百蟲未起蟄一鳥已鳴春  
白髮羞明鏡烏紗製小巾吾生任貧賤擊壤學堯民

歲旦屠蘇酒還從稚子先宮花元不稱野服更相便  
出處寧非道窮通莫問天紅梅亦多意為我發餘妍

次韻邵實谷干山夜泊

附考干山在松江平原村機山之東

一水疑無路纔通艤子舟連山分秀色絕境散窮愁  
行與月相逐卧看天倒流野人應不識林鳥自相求

暮春雜詩四首

世亂疲奔走空傷萬事非塞鴻還北度戎馬未南歸樂  
土居人散豐年野客饑閉門風雨過一徑落紅稀  
不見春歸路倦登江上樓五更愁聽雨三月慘如秋寂  
寂紫含笑嚶嚶黃粟留無心自相惱豈識老夫憂

四海尚風飈千門轉寂寥傳聞收土地思見復徭節  
士心肝在將軍髀肉消何時聽野老鼓腹頌唐堯

汎汎江湖上悠悠宇宙中一身常有患萬化本無窮已

覺丹砂妄惟應白髮空滄浪還可濯閒伴釣魚翁

寄翰古清二首

一葦三江渡人皆識道林龍公來聽法狐女試觀心  
雨散空花亂風生萬竹深我慚牽世務白髮謾盈簪

為客長如醉聽詩忽已醒共食香積飯更捨劫初鈴  
埽榻還看卧呼舟約再經墨龍休易點破壁起雷霆

遇妓

曾是梨園籍年應未破瓜春風一枝雪別是漢宮花  
出

繭修眉淡蟠龍小髻斜琵琶寓幽怨流落共天涯

舊宅

甲第無人住蕭蕭風雨寒樹陰交繡戶苔色上朱欄舞  
鶴猶思主鳴蛙亦為官豪華易消歇都在夢中看

寺居

堪憐小兒女相對色淒涼有客哀元亮無人候子桑水  
螢飛寶地山鳥入書堂九曲溪頭路何時上小航

溪上

歇馬城邊路茅茨在眼中迢迢一水靜寂寂四山空白  
日西南沒青天上下通行人俱已息獨立數飛鴻

楊鳴鶴枉顧留宿爰山有詩相示用韻答之

轉蓬悲杜甫命駕愧張翰把酒忘年老聽詩坐夜闌不  
趨龍尾道休上虎須灘白屋真堪樂青山且共看

題山陰讀書處

蘭亭修禊處愛爾好林泉閉戶不曾出讀書渾少眠青  
山秋氣早綠樹午陰圓何日期相過西陵一放船

辛亥春二月十日偕桑子材丁一鶴遊芟山

野曠天無際山青雨乍晴路從鰲背上人踏鳳毛行謾  
謾松風細輝輝竹日明浩歌猶未已新曲和流鶯

澄林客居二首寄戴良佐沈復東

借屋暫移家當門亦艤槎地蒸雲觸石江漲雨崩沙盧  
橘初垂顥冬青未落花老夫無一事日日醉流霞

高人戴安道詞客沈休文共喜成三友何勞比五君園  
荒葵自種水近竹宜分鐘鼎非吾事山中看白雲

題紫微山巖上人壁

附考紫微山即  
硤石山屬海寧

雞聲催客起一枕夢初醒日射千山赤天垂四野青芙蓉元自好蒲柳已先零海上兵戈後夸歌不忍聽

排悶

白首尚為客飄飄天一涯耳鳴通夜雨眼暗隔年花畏酒從今斷題詩浪自誇有邨如栗里準擬更移家

雨中漫成寄九龍山人

稚圭蛙兩部日夜成笙歌四月雨聲惡兩山秋氣多青

苔生客舍白水落官河悵望九龍客扁舟難重過

次韻楊德中見寄

五月大江滿白波如白雲看山重約客載酒試從君竹  
所宜頻掃桃源或未聞龍蛇今已遠麋鹿任為羣

次韻楊鳴鶴遊紫微山用章孝標韻

金剎藤蘿外通人一徑微天風鍊鳳語海雨墨龍飛水  
落仙翁井雲收玉女衣東樓曾翫月夜挾彩鸞歸

贈醫者徐仲純



我愛南州士風流今尚存讀書通魯史賣藥向吳門擬  
乞丹砂裹同傾綠酒樽茯苓應已長夜雨劉松根

壬子冬至日過來青堂三首示勉中祖南二友  
浪跡依劉表忘形見陸生山中釀酒熟雪後具舟迎好  
學來諸子論詩過二更窮愁一披寫杯盡更須傾

衣冠且從俗猶有晉風流我愛陶貞白人稱馬少游蜂  
房寒未割雞柵暖宜修不必論三仕何如號四休  
擾擾知何事人間即夢間試從千佛轉能見幾人閒水

落元通月雲行不礙山長歌和樵者日暮抱薪還

送陳楚賓赴泗州學正

舟行入淮泗初上廣文官地接中州近天連大野寬清  
時先俎豆異俗盡衣冠暫別蓬萊闕無慚首着盤

題蘇明遠畫

絕境疑無路平川不起濤天光兼水濶山勢敵秋高葛  
令惟求藥秦人自種桃雲霞如有意他日待吾曹

病中次韻張思廣助教見寄二首

為客金陵久驚秋素髮乾酒狂山簡放詩苦孟郊寒野  
圃荒誰理宮衣病總寬封書寄兒子早晚發長干  
有淚如銀燭心灰却始乾空瞻鴻雁遠不念鵲鴿寒江  
海浮吳濶乾坤入楚寬登樓重擬賦落日在闌干

雲卧

謝傳東山下白雲窗戶幽身如蟬蛻解夢挾鳳車遊石  
潤初收雨衣寒已怯秋無心信舒卷天地日悠悠

次韻管鄭州玄澤

相逢俱一笑官不補遺餘鸞鳳隨新曲龍蛇見草書日  
邊來使者濠上只空廬更展胸中學平明對玉除

題葉經歷水北山居

地接天台勝山圍雁蕩高詩人同謝朓羽客見盧敖樹  
色分厓翠江聲應海濤何年此棲托蓮葉好時操

送曹季材赴京師因寄劉子憲助教二首

跨馬金陵去征衫尚有塵壯心知烈士離色慘羈人草  
白方經曉花殷欲借春殷勤一杯酒何日重相親

最愛劉公幹同為太學師班聯金馬客興在玉臺詩地  
濶雙魚斷天空一雁馳惟看千里月夜夜獨相思

詠炭

三日淮南雪烏薪價重銀色疑成鵲鵲形肖刻麒麟夜  
照清虛室春溫老病身煮茶留好客未覺孟郊貧

題馬文壁畫二首

龍江今喜對雁蕩昔曾聞樹黑深藏雨山青半出雲行  
人知虎跡仙客問羊羣老我來何日林泉定許分

小橋危跨壑破屋幸依山避地人相過朝天客未還  
麝眠春草外猿挂古松間寂寞南窗月殘書亦久閒

題王白雲畫

瑤臺人去後麋鹿自成羣樹濕纔經雨山昏又出雲  
仙家三疊外春水一支分獨坐扁舟客櫂歌時遠聞

戊午早秋漫興二首

久作東山客山空少四隣汲泉從老圃隔嶺見行人  
虎豹應須遠雞豚亦自馴幽棲猶未穩更訪武陵春

爛熳薜花早亂開籬落間秋風機杼動夜雨枯槁閑牧  
豕公孫老思鱸記室還有時逢野叟猶是說朝班

送吳鼎文同知赴安州

別駕安州去青天蜀道危近辭丹鳳闕遠過碧雞祠暮  
雨歸神女春風怨子規宦遊多好思重和杜陵詩

清江詩集卷六